

## 1.15. Solicitude de médico de desprazados, para cidadáns dentro de Galicia e cidadáns doutras Comunidades Autónomas que residan temporalmente en Galicia

**O meu fillo vai comezar a estudar na universidade e vaise trasladar de cidade durante o curso. Como ten que facer para poder ir ao médico?**

---

**Vou ir pasar as miñas vacacións a súa Comunidade. Que teño que facer para recibir asistencia sanitaria mentres estea en Galicia?**

---

**Podo pedir cita por internet para o médico de desprazados?**

---

**Todos os cidadáns desprazados poderán solicitar cita de atención primaria de forma presencial ou telefónica**, citándoos sempre para o profesional sanitario que teña asignado na tarxeta de asistencia de desprazados, sendo atendidos en igualdade efectiva a calquera cidadán.

**Para solicitar cita a través da internet** poderá facelo sempre e cando se lle asignara temporalmente un médico noutro centro de saúde pola súa condición de paciente desprazado. Para poder solicitar dita cita non debe ter ningunha restrición de citación.

Para solicitar un médico de desprazados debe acudir ao centro de saúde onde desexa recibir asistencia sanitaria, preferiblemente ao máis próximo ao seu domicilio de desprazado, e presentar un certificado da súa empresa no que figure que traballa en dito concello, unha certificación de estudos ou a xustificación pola que vai residir nese concello temporalmente, como pode ser: coidados dun familiar, períodos vacacionais ou outras causas debidamente motivadas que considere pertinentes a Xerencia da Área Sanitaria correspondente.

**Para poder asignarlle un médico de desprazados o tempo de residencia nun concello diferente do da residencia habitual debe ser maior dun mes e igual ou inferior a 6 meses ao ano.**

Entregaráselle unha “tarxeta de asistencia a desprazados”.



O tempo de duración da tarxeta sanitaria de desprazados pode ser prorrogado por outros seis meses previa solicitude debidamente motivada e autorización da Xerencia da Área Sanitaria correspondente.

No caso dos estudantes a duración da condición de desprazados será ata a finalización dos estudos correspondentes para os que solicitan dita condición.

A Instrución 7/2010, do 17 de xuño de trámites administrativos xerais en materia de aseguramento e asistencia sanitaria recolle que o/a cidadán/a que ven doutra comunidade autónoma e vai residir por un tempo superior a 1 mes e inferior ou igual a 6 meses en Galicia, considérase desprazado. A esa cidadanía facilitaráselle unha tarxeta específica, a tarxeta de asistencia a desprazados.

**No caso dos cidadáns considerados no Real Decreto 8/2008, do 11 de xaneiro, que regula a prestación por razón de necesidade a favor de determinados colectivos de españois residentes no exterior, este período será dun máximo de 3 meses:**

- Pensionistas españois de orixe, residentes no exterior, nos seus desprazamentos temporais a España.
- Traballadores por conta allea españois de orixe, residentes no exterior, que se desprazan temporalmente a España.
- Descendentes a cargo dos colectivos indicados anteriormente, nos seus desprazamentos temporais a España.

[http://www.seg-social.es/Internet\\_1/Normativa/index.htm?dDocName=113456&C1=1001&C2=2010&C3=3027&C4=4001](http://www.seg-social.es/Internet_1/Normativa/index.htm?dDocName=113456&C1=1001&C2=2010&C3=3027&C4=4001)

**Aos cidadáns portadores de tarxeta sanitaria europea, formularios ou convenios internacionais entregaráselle unicamente unha etiqueta co nome do médico e do centro de saúde asignado.**

Nestes casos, ás persoas portadoras da Tarxeta sanitaria europea poderáselles asignar médico de desprazados por un tempo máximo de 3 meses no período dun ano, aínda que a tarxeta sanitaria europea teña unha data de validez superior.

Aos estudantes portadores da Tarxeta sanitaria europea pódese asignar un médico de desprazados por un período máximo dun ano.

Para mais información pode chamar ao teléfono de atención á cidadanía 981 569 540 en horario de 8 a 21 h, de luns a venres non festivos.

